

(...)

Comme soict ainsin q(ue) **mariage** ayt este
traicte et depuis consume et solempnize
en l eglise refformee de nostre seigneur jesus christ
entre **pierre bel mareschal natif de molins**
en borbonois et **presentement habitant de**
villemeur seneschauce de tholoze d une part et
catherine de gontaud fille et legitime naturelle
de **brenquier gontaud** et de **bonne de noallian**

168

dud(it) villemeur, d aultre suivant lequel mariage
lesd(its) pere et mere auroinct constitue en dot la somme
de trente troys escus ung tiers ausd(its) maries une
robbe de sarge noire avec ung cotilhon d()estamet
incarnat quatre linseulz ung chaderon de cuivre
tenant une cruche et demye et oultre ce led(it) brenguier
jehan et **cecille de gontaud honcle et parrin** de()lad(ite)
catherine & **cecille** d aultre **gontaud tante** d icelle
auroient a faveur dud(it) mariage donne et constitue
a lad(ite) **catherine** leur niepce tout le droict q(u'i)lz
ont et pourroient avoir sur la **metterye** appelee
del noble dans le consulat du lieu de **vacquies**
seneschauce de tholoze a eulx advenue de succession
par le decez de **feue bonne terrette leur mere** ayeulle
de lad(ite) **catherine de gontaud** davantaige honeste
femme **jehane de benoist** faisant pour honorable
homme monsieur maistre **estiene de noalhan**
ministre de()la parole de dieu en l()eglize de maubessin
son filz eusse aussi donne a faveur dud(it) mariage
a lad(ite) **catherine de gontaud sa niepce** et aud(it) **pierre**
bel maries la somme de trente trois escus sol
ung tiers faisant cent livres lad(ite) constitution
faicte suivant le pays de lenguedoc qu()est venant

le predecez de sa femme led(it) dot est subject a restitu(ti)on
tout ainsin q(u'i)l est porte par lesd(its) **contractz de mariage**
retenu(s) par maistre ylaire seigne notaire royal
dud(it) villemur le quatrieme julliet mil cinq cens
quatre vingtz noeuf tellement q(ue) lad(ite) **catherine**
de **gontaud** seroict **decedee sans aulcune posterite**
sur vivant led(it) **bel son mary** et suivant lad(ite)
costume tenu de restituer led(it) dot toutesfois

n auroict poinct este paye et lesd(ites) parties mesmes
led(it) bel avec lad(ite) bonne de noalhan sad(ite) belle mere
seroient venus en accord et transaction pour
eviter frais et despens et ne reste q(ue) d en passer
contract pour cest il que ce jourd huy **vingt et
troisieme** du mois d **apvril mil cinq cens quatre
vingtz unze** apres midy regnant nostre souverain
prince henry par la grace de dieu roy de france
et de navarre en la ville de **montauban** en quercy
et dans la boutique de moy notaire royal soubz(sig)ne
et presens les tesmoingz bas nommez constiues en
personnes led(it) pierre bel jadis mary de lad(ite) feue
catherine de gontaud d()une part & lad(ite) bonne de
noallian mere de lad(ite) feue catherine de gontaud
ayant licence et auctorite dud(it) brenguier

.....

169

gontaud mary absent auquel elle promet faire
rattiffier le contenu du present contract sur peyne
de toutz despens d au(tr)e lesquelz apres les stippula(ti)ons
reciproques de()gre et franche volonte ont convenuz
accorde comme s()ensuyt premierement q(ue) led(it) bel a quitte
et quitte a lad(ite) noallian sa belle mere tout led(it)
dot et droictz constitues a()lad(ite) feue catherine de gontaud
moyenant la somme de quarante escus sol faisant
six vingt livres de()laquelle led(it) bel a reallement
receu a()la passation du present de()lad(ite) de noallian sa
belle mere par main d()honorable homme monsieur
maistre **micel berauld ministre de()la parolle de
dieu** aud(it) montauban comme ayant expresse charge
de monsieur maistre **estienne de noallian aussi ministre
de()la parolle de dieu en l eglise de mauvezin** la somme
de vingt deux escus sol en pieces de six blancz bonne
monoye de roy de()laquelle led(it) bel s en est contante et
en a quitte lad(ite) de noallian sa belle mere et les dix huict
escus restans lad(ite) bonne de noallian promet paier
aud(it) bel dans le vingt deuxieme de julliet prochain
par pacte expres accorde que advenant q(ue) led(it) bel
vinst a se remarier et a deceder sans aulcune
posterite de son legitime mariage la moitie

.....

de()lad(ite) somme de quarante escus apartiendra a lad(ite)
de noallian sa belle mere laquelle elle pourra
reppetter sur ses biens et l autre moitie de lad(ite) somme
qu()est vingt escus led(it) bel en pourra dispouzer a faveur
de qui bon luy semblera et par le contraire si led(it) bel
avoict posterite de son mariage toute lad(ite) somme de

quarante escus sol luy apartiendra et venant a()deceder
en pourra dispozer a faveur de ses enfans promettant
reciproquement lesd(ites) parties tenir garder et observer le
contenu du present contract soubz obliguation et yppotheque
de leurs biens presens et advenir qui ont soubz mis aulx
forces et rigueurs dez scelz de toutes courtz tant de()la
present seneschauce de quercy q(ue) aultres de()ce royaume
de france par lesquelles ont vollu et veullent estre
constrainedtz si ont renonce a toutes (e)xeptions et droictz
q(ue) pourroient venir contre la teneur du present
contract mesmes lad(ite) de noallian aux loix introduites
a faveur des femmes qui a declaire ne s()en voloir
aider et ainsin tout promis et jure au nom de dieu
de()quoy toutes parties ont requis instrument estre
retenu par moy notaire ce qu()a este fait en
la presence de maistre dominique vachier greffier
en la court du seneschal de quercy siege de

.....
170

montauban maistre jehan valaty praticien estienne
brassard pierre artis aussi praticien et dominique
gillet aussi cordonnier dud(it) montauban soubz signes
saulf lesd(its) parties & gillet qui ont dict ne scavoir
escripre vachier / present / j / valaty present / Artis /
/ present / de brassard / present / ainsin **signes a()la
cede originalle** et moy anthoyne vacquier not(aire)
royal dud(it) mo(n)tauban quy ay()retenu le p(rese)nt et
apres mesmes j()ai signe

Vacquier, n(otaire) r(oyal)